

## Požehnání vody - soli - oleje

Tyto žehnací modlitby jsou převzaty z Rituale Romano. Může je používat kterýkoli kněz, aniž by musel žádat o souhlas.

- Pro požehnání soli se používají první modlitby. Při svěcení vody, jestliže už máme posvěcenou sůl, není třeba opakovat první dvě modlitby vztahující se k soli.

- Požehnání oleje vyžaduje pokropení svěcenou vodou.
- Štola se vyžaduje jako při každém požehnání.

### Ordo ad faciendam aquam benedictam

*Diebus Dominicis, et quandocumque opus sit, praeparato sale et aqua munda benedicenda in ecclesia, vel in sacristia, sacerdos, superpelliceo et stola violacea induitus, primo dicit:*

*V. Adjutorium nostrum in nomine Domini.  
R. Qui fecit caelum et terram.*

*Deinde absolute incipit exorcismum salis.*

*Exorcizo te, creatura salis, per Deum † vivum, per Deum † verum, per Deum † sanctum, per Deum, qui te per Eliseum Prophetam in aquam mitti jussit, ut sanaretur sterilitas aquae; ut efficiaris sal exorcizatum in salutem credentium; et sis omnibus sumentibus te sanitas animae et corporis; et effugiat, atque discedat a loco, in quo aspersum fueris, omnis phantasia, et nequitia, vel versutia diabolicae fraudis, omnisque spiritus immundus, adjuratus per eum, qui venturus est judicare vivos et mortuos, et saeculum per ignem.*

*R. Amen.*

### Oratio

#### Oremus.

*Immensam clementiam tuam; omnipotens aeterne Deus, humiliter imploramus, ut hanc creaturam salis, quam in usum generis humani tribuisti, bene † dicere et sancti † ficare tua pietate digneris: ut sit omnibus sumentibus salus mentis et corporis; et quidquid ex eo tactum vel respersum fuerit, ca-*

*reat omni immunditia, omnique impugnatione spiritalis nequitiae. Per Dominum.*

*R. Amen.*

#### Exorcismus aquae: et dicitur absolute:

*Exorcizo te, creatura aquae, in nomine Dei † Patris omnipotentis, et in nomine Jesu † Christi Filii ejus Domini nostri, et in virtute Spiritus † Sancti: ut fias aqua exorcizata ad effugandam omnem potestatem inimici, et ipsum inimicum eradicare et explantare valeas cum angelis suis apostaticis per virtutem ejusdem Domini nostri Jesu Christi: qui venturus est judicare vivos et mortuos, et saeculum per ignem.*

*R. Amen.*

### Oratio

#### Oremus.

*Deus, qui ad salutem humani generis, maxima quaeque sacramenta in aquarum substantia condidisti: adesto propitius invocationibus nostris, et elemento huic multimodis purificationibus praeparato, virtutem tuae bene † dictionibus infunde: ut creatura tua, mysteriis tuis serviens, ad abigendos daemones, morbosque pellendos, divinae gratiae sumat effectum; ut quidquid in domibus, vel in locis fidelium, haec unda resperserit, careat omni immunditia, liberetur a noxa: non illic resideat spiritus pestilens, non aura corrumpens: discedant omnes insidiae latentis inimici; et si quid est, quod aut incolumenti habitantium invidet, aut quieti, aspersione hujus aquae effugiat: ut salubritas per invocationem sancti tui nominis expedita, ab omnibus sit impugnationibus defensa. Per Dominum.*

*R. Amen.*

*Hic ter mittat sal in aquam in modum crucis, dicendo semel: Commixtio salis et aquae pariter fiat, in nomine Pa † tris, et Fi † lii, et Spiritus † Sancti.*

*R. Amen.*

#### V. Dominus vobiscum.

*R. Et cum spiritu tuo.*

Oratio

Oremus

*Deus, invictae virtutis auctor, et insuperabilis imperii Rex, ac semper magnificus triumphator: qui adversae dominatio- nis vires reprimis: qui inimici rugientis saevitiam superas: qui hostiles nequitias potenter expugnas: te, Domine, tre- mentes et supplices deprecamur, ac petimus: ut hanc crea- turam salis et aquae dignanter aspicias, benignus illustres, pietatis tuae rore sanctifices; ut, ubicumque fuerit aspersa, per invocationem sancti nominis tui, omnis infestatio im- mundi sp̄iritus abigatur: terrorque venenosí serpentis pro- cul pellatur: et præsentia Sancti Spiritus nobis, misericor- diam tuam poscentibus, ubique adesse dignetur. Per Domi- num nostrum Jesum Christum Filium tuum: Qui tecum vivit et regnat in unitate ejusdem Spiritus Sancti Deus, per omnia saecula saeculorum.*

R. Amen.

BENEDICTIO OLEI

*V. Adjutorium nostrum in nomine Domini.*

*R. Qui fecit caelum et terram.*

Exorcismus

*Exorcizo te, creatura olei, per Deum † Patrem omnipoten- tem, qui fecit caelum et terram, mare, et omnia, quae in eis sunt. Omnis virtus adversarii, omnis exercitus diaboli, et omnis incursus, omne phantasma satanae eradicare, et ef- fugacare ab hac creatura olei, ut fiat omnibus, qui eo usuri sunt, salus mentis et corporis, in nomine Dei † Patris omni- potentis, Jesu † Christi Filii ejus Domini nostri, et Spiritus † Sancti Paracliti, et in caritate ejusdem Domini nostri Jesu Christi, venturus est judicare vivos et mortuos, et saeculum per ignem.*

R. Amen.

Oratio

Oremus

*Domine Deus omnipotens, cui astat exercitus Angelorum cum tremore, quorum servitum spirituale cognoscitur, dig- na respicere, bene † dicere, et sancti † facere hanc creaturam olei, quam ex olivarum succo eduxisti, et ex eo infirmos inún- gi mandasti, quatenus sanitatem percepta, tibi Deo vivo et vero gratias agerent: praesta, quae sumus; ut hi, qui hoc oleo, quod in tuo nomine bene † dicimus, usi fuerint, ab omni languore omniq[ue] infirmitate, atque cunctis insidiis inimici liberentur et cunctae adversitates separantur a plasmate tuo, quod pretioso sanguine Filii tui redemisti, ut numquam laedatur a morsu antiqui serpentis. Per eundem Dominum nostrum Jesum Christum Filium tuum: Qui tecum vivit et regnat in unitate Spiritus Sancti Deus, per omnia saecula saeculorum.*

R. Amen.

*Et aspergatur aqua benedicta.*